



Bou ons kinders vir môre

Konfirmasie 1

**Lestitel: Die Nuwe Apostoliese Kerk ontstaan**

# 'n Ouerhandleiding

Sondagskooltuisonderrig



# Liewe Ouer

Welkom by die les “**Die Nuwe Apostoliese Kerk ontstaan**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: <a href="https://bit.ly/3NACSSHS">https://bit.ly/3NACSSHS</a>
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none"><li>• Bybel</li><li>• Die les in PDF-formaat wat reeds voorberei is</li><li>• Kind se werkboek, potlode, kryte, ens.</li><li>• Die kort video, wat 'n addisionele / opsionele hulpmiddel is</li><li>• Kategismus in Vrae en Antwoorde (veral vir Konfirmasie)</li></ul> <p><b>Nota:</b></p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



# Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. <b>Voorbeeld:</b> Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



## Die Les

### Lestitel

Die Nuwe Apostoliese Kerk ontstaan

### Lesdoelwit

Die kinders leer hoe die Nuwe Apostoliese Kerk ontstaan het - 'n nuwe vertakking van God se werk ontstaan.

## Lesopsomming:

Vandag sal ons kennis maak met die ontwikkeling van die Nuwe Apostoliese Kerk onder die volgende hoofde:

- Die roeping van apostels in Duitsland,
- Die Nuwe Apostoliese Kerk ontstaan en
- Apostel Preuss.

### Inleiding:

- Die Britse apostels het geweier om die roeping van meer apostels te erken.
- Hierdie apostels het gevoel dat slegs 'n totaal van twaalf apostels in die eindtyd aktief sou wees.
- Destyds het daar egter nog net sewe apostels geleef.
- Die Katolieke Apostoliese Kerk kon nie groei as daar geen apostels oor was nie.

### Inhoud:

- Die profeet Geyer het in die verlede verskeie apostels geroep, maar die nuwe roeping van apostels deur hom is nie erken nie.
- Hierdie besluit van die Engelse apostels het die uitsprake wat hulle in die getuienisse gemaak het weerspreek.
- Elke keer het die profeet Geyer die engel (d.w.s. die rektor) van die gemeente in Hamburg, Friedrich Wilhelm Schwartz, oor die gebeure in kennis gestel.
- Soos ons dit vandag verstaan, het God se reddingsplan voorsiening gemaak vir 'n ander ontwikkeling as wat die Engelse apostels in gedagte gehad het.

### Die roeping van apostels in Duitsland:

- In die begin is die Apostels Rosochacki (Oktober 1862), Preuss (April 1863) en Schwartz (Mei 1863) in Duitsland geroep.



- Op 30 Oktober 1864 het die profeet Geyer nog vier apostels geroep.
- Dit was die begin van die Nuwe Apostoliese Kerk, wat vandag na byna alle lande van die wêreld versprei het.

### **Die Nuwe Apostoliese Kerk ontstaan:**

- In Oktober 1862 is priester Rudolf Rosochacki, die rektor van die Katolieke Apostoliese Kerk in Koninsberg, Duitsland, deur die profeet Geyer geroep om 'n apostel te wees.
- Die apostels van die Katolieke Apostoliese Kerk het nie sy roeping erken nie.
- Die profeet Geyer en die rektor van die Hamburgse gemeente, Wilhelm Swartz, was daarvan oortuig dat hierdie roeping die werk van die Heilige Gees was.
- As gevolg van hul erkenning van Apostel Rosochacki, en die afkeur deur Apostel Woodhouse, is die gemeente van Hamburg van die Katolieke Apostoliese Kerk verban.
- En so het die Nuwe Apostoliese Kerk op 4 Januarie 1863 tot stand gekom.

### **Apostel Preuss:**

- Op 12 April 1863 het 'n diaken 'n profesie uitgespreek wat Priester Carl Louis Preuss as 'n apostel roep.
- 'n Rukkie later het die profeet Heinrich Geyer hierdie roeping bevestig.
- Apostel Preuss het in Noord-Duitsland gewerk.
- Daar was destyds nie godsdienstvryheid in die area van Hannover nie, en die apostel moes toestemming van owerhede vra om godsdienste waar te neem. Hy is in hegtenis geneem, opgesluit en moes boetes betaal.
- Kort nadat Apostel Preuss geroep is, op 25 Mei 1863, word Friedrich Wilhelm Schwartz ook as apostel geroep deur vele profeties begaafde lidmate in die gemeente, maar ook deur die profeet Geyer.
- Met Apostels Carl Louis Preuss en Friedrich Wilhelm Schwartz het God 'n nuwe vertakking van sy werk geskep waaruit die Nuwe Apostoliese Kerk ontstaan het.



## Wat beteken hierdie les vandag vir ons?

- Ons het geleer van die ontstaan van die Nuwe Apostoliese Kerk.
- Die Britse apostels het geweier om die roeping van meer apostels te erken.
- 'n Groep wat in Duitsland gevorm is, het verskeie apostels geroep, waaronder Rudolf Rosochacki en later Apostel Preuss en Apostel Schwartz.
- Apostel Woodhouse het die gemeente van Hamburg verban, omdat die lidmate die roep tot die apostelskap van bogenoemde mans erken het.
- Die Nuwe Apostoliese Kerk het dus in die jaar 1863 ontstaan.

## Bykomende inligting:

### **Inligting oor Apostel Rosochacki wie se roeping 'n groot opskudding veroorsaak het ...**

Rudolf Rosochacki is gebore in Königsberg, Oos-Pruise (die huidige Kaliningrad, Rusland) in Mei 1818. Hy was 'n meestermesselaar van beroep en die eienaar van 'n boubedryf. In die Katolieke Apostoliese Kerk was hy 'n priester in die gemeente van Königsberg. Op 10 Oktober 1862 word hy deur die profeet Geyer as apostel geroep.

Enkele dae nadat die Nuwe Apostoliese Kerk tot stand gekom het (4 Januarie 1863) het Apostel Rosochacki onder die sterk invloed van ander apostels gekom, wat daarin geslaag het om onsekerheid in te boesem oor die goddelike oorsprong van sy roeping as apostel.

Uiteindelik onderdanig hy homself weer aan Apostel Woodhouse, en hy bedank op 17 Januarie 1863 uit die apostelbediening. In April 1863 ontvang Rudolf Rosochacki weer predikantverantwoordelikhede in die Katolieke Apostoliese Kerk, wat hy aanvaar en hy het in die gemeente van Königsberg aktief gebly.

Daar is 'n interessante biografie van Apostel Preuss in jou werkboek op bladsy 87.



**'n Gebed vir Pappa en Mamma om voor die les te bid:**

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen